

蒼

梧

詞

蒼梧詞卷十

武進董元愷舜民撰

華亭董俞樗亭評

同郡徐時浚仲宣閱

長調

四

石州慢

雨窗聞雁用高季迪韻

木落紛紛。河流滾滾。秋光瀟灑。雲中嘹唳。數聲征雁。  
離愁盈把。萬里飛來蘆花夢。冷香閨錦箋遺恨。猶牽

惹聽徹望江南向水絃重寫遊冶湘水霜寒塞門  
烟鎖哀鳴欲下禁得午夜摧殘無端雨打似斜還整  
東風吹散餘音悠揚應共簷間馬忽憶玉京人恰貽  
書到也

兄樗亭曰細秀  
直駕季廸原唱

氏州第一

秋感

僕本恨人登山臨水那禁悲哉秋氣亂竹敲風哀蟬  
落葉半畝烟霞生計欲試屠龍巧却展窮颺末技彈

鉞歸來擊破唾壺舞殘如意。原未解陰符一字翻。  
自悔上書多事。白屋封侯蒼頭金印不負平生志算。  
儒冠多失墜。問入世誰堪位置。一壑一丘只詩酒供。  
吾驅使。

芝田曰志士淒涼間處老名花  
零落雨中開令我惘然淚下

### 南浦

### 冬興

乾坤蕭颯。恰天消鏃影最分明。躍馬三河年少並轡。  
出孤城雪後礪礪道上把排雲雁陣朔風驚看獸肥。

草淺弓弦劈。磳箭作餓鳴聲。一片風毛雨血正歸。  
鞍無數。落颺颺。此樂使人忘死真勝。一書生。媿我髀。  
中生肉矣。應閒却寶劍長鳴。便殘年射虎數奇。空自。  
負才名。

阮亭曰。上馬橫槊下馬。  
譚論如此。人不負飲食。

瑤花

角里梨花

天邊放棹。鏡裏停橈。便捨舟遵陸。平鋪白雪。滿春山。  
偏映淺紅。深綠。玲瓏萬樹。正爛熳。光搖銀粟。看枝頭。

蝶影。淒迷。彷彿欲飛還宿。東風輕暖。輕寒恰罷舞。  
霓裳玉容新沐。耿耿素娥齊欲下。不向繁英競逐賞。  
心桃李應共洗春時粧束。更宵來明月無痕。花月一  
尊相屬。

補念曰。孟長遊記稱角里梨花天下無雙。今春偕  
舜民往觀。白雪萬樹駭心奪目。驚嘆累日。更得此  
詞點染。宴罷夜闌。定聞花有笑聲也。

憶舊遊

寄懷莆田楊南叟先生

記春風。函丈雨花分韻。木末飛箋。石城西畔路。更呼

來桃葉。擲去金鞭。莫愁艇子。曾繫並坐。響鵬絃。奈一  
別無端。翩如墜雨。邈似秋烟。十年成間闊。望七臺  
九子。是處淒然。便同門六翮。總各天異地。吾道堪憐。  
好待荔枝新熟。晨夕數從前。倩南去歸鴻。寸心先寄  
穀城邊。

生洲曰。至性人語。  
不是尋常寄贈。

瑞鶴仙

壽三原袁承南兼寄文倬

遠水凝空碧。正節近登高。黃花秋色。金風吹壽域。見

玉樹連枝水桃垂實。爨樽綺席對南山。嗟峨雙石間。  
東來紫氣吳天。身是函關仙客。猶憶龍橋曉霽蘭。  
省清郎舊曾相識。青芝賦罷綠鬢朱顏。如昔看一毛。  
綵鳳千里名駒。採取曲江消息。待他年管領霜英斑。  
衣。瑤闕。

登瓊花觀高閣眺望感懷用辛稼軒韻

野鳥低飛急。倚傑閣三層危闌百尺。寂寞登臨客。俯  
萬井炊烟千門列戟。邦溝南北遍隋苑。鶯花泉石看  
綠楊影裏行人點綴。紅橋茵席。太息澤葵凝露荒。



葛迴風不勝懷戚。茫茫塵迹。山光紫。溪流碧。聽廣陵。  
簫鼓竹西歌吹。零落數聲橫笛。歎十年薄倖。詩名青  
樓贏得。

黃公日悲而麗所  
以爲長調擅場

春從天上來

金魚池感舊

春水溶溶。有金塘潋灩。玉樹葱蘢。當時高會。袞袞諸  
公。最憐十九人中。正阿奴年少。驚末座。吹氣成虹。酒  
酣時。更珊瑚亂擊。鐵騎摩空。豈期十年舊事。恍五

雲。溪。處。一。夢。無。踪。愁。緒。星。星。迴。波。澹。澹。依。然。泛。綠。流。  
紅。把。臥。龍。魚。水。都。付。與。斷。雁。殘。鴻。恨。匆。匆。蕭。蕭。落。木。  
又。響。西。風。

青際日溫飛卿腹中潛置淚衆裏自嫌  
身得此詞更加繁絃急管哀感同調

### 喜遷鶯

#### 錢燕穀移居

西。曹。孫。子。更。世。系。乘。驄。名。傳。曳。履。溪。巷。琪。花。隔。鄰。嘉。  
樹。汝。欲。移。家。去。矣。移。向。蒼。梧。廉。石。歷。落。欹。欹。可。喜。相。  
對。處。只。倪。迂。米。癖。子。虛。無。是。徙。倚。危。欄。外。剩。水。殘。

山似輞川竹里。漢篆秦碑。唐詩晉帖。樂事那堪屈指。  
客至蕭然。命酒鎮日。琴棋而已。還驚認梁燕語新巢。  
隨君棲止。

徐仲宣曰。瀟洒出塵之姿。如入雲林清閣。  
閣中高梧修竹。奇石鼎爇。自無一點塵俗。

### 霓裳中序第一

#### 過華清宮

宮闕連雲築。西鑿長湯。十有六。更高處。金鋪繡瓦。見  
一笑迴眸。華清初浴。芙蓉出水。弱影照碧波。紅玉看  
漲。膩殘脂。錦機銀鳧。泛空綠。躑躅。長安路。谷轉。眼

是淡秋。棧道夜雨淋鈴相續。念汾雁孤飛。玉釵未卜。  
月照驪山麓。尚想像霓裳一曲。傾城速姊妹。君臣驚走。  
野花鹿。

其年日繡嶺宮前  
鶴髮翁不堪讀此

### 雨淋鈴

#### 過馬嵬

美人黃土馬嵬坡。下鶯燕歌舞。漁陽動地。鼙鼓霓裳。  
驚破漫天烟霧。此去山青水碧。都是傷心譜。記花下一  
騎紅塵。翻變作馬前尺組。明眸皓齒。泉臺路。便

舍情祇向鴻都訴。贏得君王掩面也。算却夜深私語。  
錦襪香銷。鈿釵恩斷。白楊荒樹看三郎。千古風流一  
曲淋鈴雨。

其年曰滿紙陰陰瑟  
瑟如聽秋墳鬼哭

安平樂慢

松陵寒食用万俟雅言韻

薄霧濛濛。愁陰澹澹。吹來花草俱香。胥江放棹。笠澤  
揚帆。松陵城郭相望。兩雨風。總烟霏。翠色。絮點紅。  
粧繫纜。小橋旁。滿川撩亂春光。有幾處。青帘數家。

碧醞醉客爭說程鄉。又絲牽傀儡郭郎。鮑老舞當場。  
處處樓臺看燕舞。鶯歌恁忙。最傷心。寒原宿草翩翩。  
蝴蝶顛狂。

綺羅香

周閨媛鶴英落花詩題詞

綺閣烟寒。瓊窗日暖。又是一番春暮。画管湘簾吹起。  
筆牀紅素。拈翡翠。氣勝幽蘭。刻琅玕。思縈芳樹。倩多情。  
斜拂烏絲玉。纖似把金鈴護。珍重不因客掃却。  
飄零無限。謝庭風絮。繡口佳人。拈就斷腸新賦。連珠。

體宛轉。雙聲倒。薤書穠纖八句遍。天涯點點飛花脂。  
粉痕印住。

文選樓坐雨酬鄧孝威見贈却和原韻

飛絮愁紅濕。雲粘綠。做盡蕪城朝雨竟。日淒迷斷送。  
行人來去。望隋苑柳。澁鶯簧。聽竹西烟迷蛙鼓。只良  
朋促坐。潑杯酒。酣起作回波舞。蕭樓臥君百尺却。  
品優月旦。賦題鸚鵡。跋扈文壇。獨擅長城台輔。逢佳  
麗。擊楫投囊。遇烟花雕龍繡虎。筭從來出水芙蓉詩。  
名推謝五。

永遇樂

過虎牢關用辛稼軒韻

千古嶠關是英雄戰守紛爭處廢壘寒沙荒原宿草  
精靈自來去汜水滔滔河流滾滾日夜何曾少住把  
當年袁曹劉項一樣銷沉龍虎有恨興亡無端成  
敗贏得橫鞭指顧西去滎陽東來嵩渚險設成臯路  
風響鳴環霜飛斷鏃隱隱猶聞金鼓驚心問長陵坏  
土今猶在否

其年曰嶽峯突兀亦有一虎  
牢山川在其筆端吾伏其氣



度雁門關再用辛稼軒韻

千仞雄關。揮鞭曾過雁爲門。處象偶蒼鷹墮兒飛將。  
往事風吹去。盤盤鳥道峨峨。雉堞闕盡輪蹄難佳涉。  
層巔旌旗搖曳。壁壘深屯。貔虎材官羽騎中郎都。  
尉萬里功名指顧。南逼龍城北臨馬邑。四望雲西路。  
瀚海無波。燕然久勒。靜息中原。鼙鼓何須問。長城頗。  
牧猶堪用否。

阮亭曰龍門史才  
非順陽以下所及

二郎神

閨繡

玲瓏網戶。淡院苔陰欲遍。恰半掩湘簾。清晝永。忽驚  
送落紅飛。霰盡日無言。心似結。穿不起。春愁一線。停  
針處。劈開五色。恨縷情絲難剪。誰遣看朱成碧。淚  
痕淡。淺向訴愁窗畔。昵昵語。剛只被。養娘偷見。新翻  
花樣繡。孤鶯偏繡出。雙鶯堪羨。羨雙影。蹢躅鎮日相  
依。画梁歸燕。

其年日細賦風  
流周秦逸致

瀟湘逢故人慢

西湖返棹同內泛月鴛鴦湖登烟雨樓作

扁舟日暮。恰鏡裏迴帆。禾中飛渡。素魄剛三五。看浴影鴛鴦。波翻浪舞。樓閣參差。偏掩映。綠蕖可數。想吾爾風月閒人。長與清輝同住。更上層樓。微步怎四壁蕭條。斷雲荒樹。俯仰悲今古。聽欵乃漁歌。數聲柔櫓。回首西泠。又艤棹。藕花深處。待圖將。烟雨携歸。一樣空濛載去。

生洲曰龔端毅師序朱清瑟雪訪詩曰詎云名士風流殆具遊人清福吾欲取以相贈

西河

渡湖見高翁携其子觀歸里

眞妻切堪憐。少者天殁片帆。雨濕白髭鬚。朱顏銷歇。  
寧將死孝。甚親恩。此身便與親絕。記臨去。叮嚀說。  
妻子牽裾難決。歸遲歸早。空倚閭端。陽時節。形骸土。  
木。變衣冠。一生遂爾長別。哀哀淚向靈輻。竭染湖  
光爲誰啼。血流。水千年。嗚咽謾傷心。霸業隨烟滅。飄  
緲天風。疑魂魄。

其年曰哀感悽惻一字一  
淚勝讀祭十二郎文矣

解連環

橫浦舟夜與羅弘載話雨和弘載韻

三。江。泊。處。正。蓬。窗。剪。燭。夜。潑。清。語。記。昔。日。兩。上。燕。臺。  
更。遊。歷。齊。秦。聲。名。梁。楚。酒。令。詩。籌。曾。敲。遍。旗。亭。宮。譜。  
到。而。今。相。對。怕。聽。三。更。無。賴。譙。鼓。艱。險。從。茲。堪。數。  
總。殘。山。剩。水。與。天。終。古。祇。願。戢。矢。櫜。弓。息。薄。海。烽。烟。  
太。平。官。府。吾。老。林。泉。君。莫。聽。荒。雞。起。舞。恐。他。時。颺。散。  
雲。流。別。來。如。雨。

芝田日俯仰纏綿何  
時共剪西窗燭耶

秋霽

鏡湖秋泛用陳後主韻

渺渺晴湖正映澈。琉璃千頃澄碧。青雀低飛。烏篷輕  
漾。搖入水天一色。凭闌望極。橫空雁陣。紛縈織。又還  
響波上。數聲柔櫓。共嘹唳。到處經過畧。約疎籬。漁  
曾矮屋。柳陰棲息。倚孤村。飄來皓魄。千巖萬壑。看俱  
白。萬點清輝。真不隔溪山。良夜好倩一斛松醪。幾絲  
尊。菜客懷消得。

飛雪滿羣山

登清涼山叶斗峯是北臺絕頂

磴躡雲根。嵐侵斗柄。丹梯萬仞。崔嵬化城如幻。頂有乾闥

婆城日出時乃現。小池似盎。黑龍白日轟雷。頂有黑龍池看晴天

滯。軒驚一片光明。洞開琉璃色界。兜羅佛國。四望揔

皚皚。彷彿是玉真高座上。水晶宮闕。銀燭瓊堆。鴻

濛纔剖。岡岵盡倒。乾坤失却。瀟洞儘浮生。蕩漾自憺

恍。微塵九垓。飛鷹路絕。漫漫誰更登此臺。北臺有魏孝文教鷹

臺

### 望遠行

蜀岡眺望懷古和阮亭先生韻

蜀岡縱轡憑遐囑。轉眼韶光催暮。高低禾黍。新舊墳  
塋。多少白楊荒樹。屈指興亡。回首亂雲殘葉。斷送羲  
皇。巢許。算江山都付一天烟雨。無語直視黃埃千  
里。只社鼠城狐。堪數。溝水東西。江聲日夜。總是帶愁  
流。虛試看。螢飛腐草。烏啼衰柳。難入竹西詞賦。聽幾  
聲杜宇。又將春去。

黃公日俯仰悲歎另有一  
種幽香寒秀出於筆尖

菩薩蠻慢

龍虎山道中



好風輕策正千巖。深隱萬峰開闢更逶迤。路轉谿廻望鳥道。羊腸怪雲崎石。或象鳴。雖遠勢立而如跂。或蹲如獅子。直欲搏人。怒而相格。或似排空劒戟。或盆罌如覆星羅。如奕或飛流瀑布。泛若波濤。或積翠層樓。窈如窟宅。或画長蛾。倏忽陰晴。金碧景堪佳。而今日日山行也得。

其年日直作一首。昌黎南山詩讀一讀。一呼絕。又曰。張騫鑿空夸父移山。吾如其才。吾怖其胆。阮亭曰。老杜北征詩。五言之變也。至退之南山而極移以入詞。更爲怪偉矣。此種定推舜民獨絕。

望湘人

題望湘人杏林春燕画扇和顧閨媛春雨韻

正晴陰漠漠。院宇沉沉。費盡春工。裁剪語並雕闌。枝  
移卻苑。素手丹鉛。親染拂水斜文。清池倒影。画图頻  
見。但從今。懷袖長携。處處杏林。雙燕。淡白殷紅。堪  
賤。只胭脂淺注。不愁霜霰。習習動微風。豔色生香。吹  
過珠簾。簾裏曲江江畔。兩兩烏衣。相戀。恐秋來。湘水  
西流。一夢華胥人遠。

阮亭曰。豔色生香。  
吾欲取以評此詞。

望海潮

登望海亭

層霄插翠霞。梯拾級危亭。斜倚崔嵬萬里。崢嶸一天。  
蕭瑟驚看雪浪千堆。沃日復奔雷。却驚身雲映。蜃市  
烟開。瀨氣空濛。飄然獨立到蓬萊。鯨宮久息纖埃。  
有靈妃玉女。笑舞徘徊。鬱島如萍。扶桑若薺。空中金  
闕銀臺。彷彿羨門來。我欲乘槎去。林嶼。邐迥對此茫  
茫。客星西望轉悠哉。

芝田曰黃竹秋烟何  
時重聽白雲謠也

遊平山堂登真賞樓用秦淮海廣陵懷古韻

畫堂插漢危樓掛斗迷離一帶雲封拾級而登憑闌  
四望飄然如欲凌風日影漾晴虹便髯公三過指點  
無從山色青青醉翁漫道有無中平山詞賦稱雄  
奈寒鴉落木衰草連空玉洞鶯花邛溝佳麗儘誇百  
尺元龍極目送飛鴻總零烟剩雨埋沒隋宮恰又斜  
陽金剝天外度疎鐘

泛清波摘遍

玉簾泉

叢筍列障斷澗浮梁複閣峻嶒穿石罅閣中鑿孔閣

外鳴泉向空掛。當簷灑一條匹練。萬縷遊絲千仞淙。  
淙喧日夜。咫尺波濤倏忽。烟雲如幻如化。驚湍瀉  
小墜。飛珠濺雪。大響奔雷轟瓦。遙映絕壁青紅。喬林  
低亞。虹橋跨遠。合馬尾。砢鏘近逐。龍潭噴射。終古簾  
垂不捲。冷光高下。

兄賓實日午平乍削出沒無端  
筆底雲烟望之何甯光茫萬丈

一萼紅

齋中海棠盛開時將携家洞庭釀酒爲別

草堂中見胭脂勻點淺色映潑紅。號國烟輕。長門露

重吹來著意春風奈曉起偏含宿淚似枝枝掩泣向  
簾櫳脉脉多情翩翩欲語祇爲留儂此際留儂不  
住望洞庭波浪直恁匆匆品擅神仙種宜幽獨休嫌  
冷落芳叢但記取金鈴長護待歸來重認舊時容且  
把清樽引滿燭付天公

黃公曰携家則胸中了無別情矣忽寄  
意海棠多情至此此是舜民間中經濟

### 題曹南耕梅廬

西溪南有數椽傑出是曹子梅廬晴雪門深閒雲巷  
清高軒時過停車見無數雜花眠砌更暗香浮影月

平鋪對客捶琴呼童命酒樂事徐徐。暇日長垂簾。  
幕正桐陰覓句。蘚燈攤書瀟灑。碁枰拊擋藥椀奮髯。  
抵几歌呼。纔新註茶經。幾則恰綠。薨香泛乳。花腴還  
共井公。夜戲一局。擣蒲。南耕好道故云

原自日一幅梅廬  
圖不減西園雅集

一寸金

遊大小龍渚

一柱玲瓏萬象誰驅。巨靈鑿或人而偃。僂獸而蹄齧。  
連而弭伏竦而騰躍。大小盤空攫昂然時。兩龍搏角。

窈而曲如奧如堂石勢參差轉樓閣我入其中鼠  
通猿引趾與肩相錯正嵌空幽戶摩崖欲記披衣碧  
巖崩崖欲落遊戲天吳窟濕杖履驚波噴薄問何方  
直達巴陵洞底悲風作

阮亭曰參差歷落古秀離奇以文筆作詩詞真有  
天造地設鬼斧神工供其開闢始知長吉非奇青  
蓮空秀合昌黎柳州乃  
堪語此此是千古奇作

### 薄倖

### 春恨

桃花命薄驚一葉隨風飄泊恨今宵魚沉雁杳咫尺



音書難託想當初兩小無嫌曾私語同心小閣更促  
坐彈碁分曹射覆贏得眼酬睂酢爭奈青天碧海  
剛消受潑情杯勺憶微解羅襦輕携翠袖看笑撚半  
牀絃索分明如昨便錦帳新歡偏則記烏絲密約盈  
盈一水淚染春江都涸

芝田目一往情濃寄言自遠東家  
宋玉西舍王昌正不必定有所指

骨馬索

過太行山天井關

上太行脊立坤輿勢磅礴嶽嶽磴道盤盤詰屈羊腸

惡險界二州。峰蟠三晉。蹄折輪摧。凌垠愕陟。層巔截  
斷。雲霞沓嶂。懸崖費鉅鑿。礪礪嵐開。玉甃天低。碧  
井突兀。雄關趨寥廓。遺跡相傳。迴車處。古殿巍然。丹  
雘山頂有孔子廟。側身回望。豁眼中原。黃河一線穿  
林薄。計兩程崎嶇。歷盡翠竹幽光。正盈握。

見賓實曰峭險突兀令  
讀者如親歷太行山

### 風流子

#### 草堂歸興

疎狂天付與。甘自棄。羞說子雲才。笑狂叫。風雲拍張。

言志吹簫豐沛曲薄英材問誰是倚天鳴寶劒吹律  
動寒灰錦繡千純爛半作傑黃金斗大鴟鳥爲媒  
無端歸去也清白吏空餘落日蒼苔不道一寒如此  
滿目蒿萊只有屋三間有田十畝有書萬卷有酒千  
杯更指槐安國裏笑口頻開

其年日歷歷落  
落岸然自異

又

墻東餘隙地憑卜築手自剪荒萊見主徑初成一丘  
一壑茅堂甫就有亭有臺更階下霜皮抽紫幹雨籜

遊。若。苔。芍。藥。開。時。緋。衣。新。賜。茶。縻。謝。了。芰。服。堪。裁。  
主。人。無。箇。事。聽。剝。啄。柴。扉。鳥。雀。驚。開。還。許。曉。猿。夜。鶴。  
時。共。追。陪。却。註。罷。南。華。堦。淡。秋。水。吟。成。白。雪。笛。落。殘。  
梅。一。任。高。軒。至。止。題。字。空。回。

生洲日清趣珊  
珊風流自賞

將發京邸過南園見曾蘭坡寄壽錢燕穀詞  
依韻和之

南園浮紫氣。開綺席。北海進瑤觴。恰晉宋之間。圖書  
侍列。羲皇而上。花月平章。歷幾世。栢臺留諫草。琪樹

發幽香。湘竹垂簾袖。珍文石。魏毫架筆。黛點新粧。  
驚看吾老矣。正風塵落托。鬢髮蒼浪。樂天詩鬢髮蒼浪牙齒疎應  
笑朱門。先達白首爲郎。想永夜篝燈。問奇一字。芳辰  
櫻笋。索醉千場。到得舊遊京洛。還許卿狂。

寄壽內子初度

清和方首夏。雲濺處。水遶鶴巢莊。看碎剪珊瑚。海榴  
照眼。裝成玳瑁。葵藿傾觴。柴門外。孫枝低曲。檻靈草  
覆迴塘。天半峰橫。襟披積翠。林梢玉映。簾拂流黃。  
憐卿當此際。恰素琴不御。錦瑟虛張。最是花晨月夕。

辜負蕭郎。悵燕吳、異域新栽。細柳別離，常慣怕見垂楊。好待歸來，秋早共倒壺觴。

又

猶憶西陵日。堪晨夕。山色與湖光。記百轉籃輿，峰迴靈鷲，一篙画舫。波動鴛鴦更幾度。呼童牽釣艇。課婢舉瑤觴。林屋同探春風，解珮越溪，共泛秋水。褰裳無端成別恨。向燕南、薊北兩地參商。回首十年舊事，鬢髮俱蒼。只上苑櫻桃，新愁重繫。小山叢桂，夙約難忘。從此鹿門偕隱，一任滄桑。

兄賓實日直欲睥睨其年何況元明若輩才  
訓至此令人驚絕後有作者只得閣筆矣

泊舟羚羊峽

滇川門外路端州近隔浦艤輕航正一水天分雲低  
飛鳥千溪地束石化羚羊停橈處斷虹浮急峽宿雨  
暗迴塘點點歸樵孤村擁樹星星漁火小艇鳴榔  
推篷思往事凭闌望無限晚色蒼茫自古當關設險  
形勢金湯看萬里牂牁西連象郡三洲巖壑南繞龍  
江好把崧臺風物收拾奚囊

蒼梧詞卷十一

武進董元愷舜民撰

嘗熟錢陸燦湘靈評

同里曹湖二隱閱

長調五

疎影

月夜同內飲梅花樹下因憶去年鄧尉之遊

援筆賦此、

瑤臺風靜正月上花枝花移月影人比花嬌月憐人



瘦和月和花相映。清光長照清樽裏。共玉臂雲鬟酪  
酖想萬峰此夜幽。香化作水魂千頃。猶記籃輿西  
去與卿曾攜手。銅坑曲徑紅燭彈箏青鬟拂素。好向  
石橋斜凭而今夢到消魂處。却冷落去年情性。忍餘  
寒呼取餘杯莫負一天春興。

阮亭曰東坡記王夫人秋月語千古  
以爲雅譚讀此詞髣髴更生妬美耳

大聖樂

壽袁重其

拂拂仁風系傳吳郡。家住滄浪。應不數東征詞賦。芝

草嘉蓮爭頌。刻羽流觴有母。百年成孺。慕便七十嬰。  
兒五色。裝真堪羨。是期頤可侍。甲子方將。白華堦。  
下齊發。看一寸春暉。日正長。只青箱丹卷。八龍三虎。  
萬軸千章。霜哺無文。弄鳥有詠。歲歲慈庭樂未央。爲  
君壽。更持杯祝爾。先祝高堂。

黃公日末  
語尤佳

霜葉飛

旅況和周清真韻

天涯芳草。斜陽外。千里關河雲表。熒熒流淚。落燈花。

蒼梧詞

卷十一

長調

二

正銅龍漏悄。看絳蠟成灰。未曉芳心一點如烟小。又  
簾外稀星恰巧。映簷前螢火。暗飛殘照。恍聽細語  
吳儂溫柔。鄉裏暮雨朝雲。重到東風。剗地動孤幃一  
枕。愁人抱聽。四壁蛩吟未了。淒涼似譜伊涼調。欲識  
此時情味。留住五更夢魂多少。

生洲曰芳心一點如烟小何其  
新警只此一語已極才人之致

### 江南春

送汪舟次掌教鬱州和吳天篆韻

孤根節挺汶陽筍。綠暗空庭晚色靜。作西送子。上胸

山風吹鶯花宿醒醒莫嫌首宿官中冷親倚日邊折  
紅杏輕裝從此飾車中更盡長亭酒一巡水蒼茫  
山嶺翠羽潭朝映洪波赤金支翠蓋橫空織汪子虎  
皮擁蒼壁絳帳風行湯沐邑岱宗雲連鬱州石短歌  
送子魏不文延陵爲我傾清尊

天篆曰是詞不是詩  
滯澁之辨舜老得之

### 高山流水

#### 度居庸關過彈琴峽

雄關截竄壯神京插層霄環峙重城連峰列雉縱橫

隨高下。睥睨斜傾。孤光迥。蜿蜒玉龍萬丈。映日晶瑩。  
却歇鞍地底。馬首亂雲生。崢嶸忽飛泉。緣隙征衣。  
濕寒漚冷冷。依稀聽七絃。蕭瑟一派琮瑤。拂蒼苔細。  
辨元聲。正怡情。彷彿移宮換徵。激濁揚清。且遲留高。  
山流水。戀行程。

生洲日十指間  
嘗作金石聲

小梅花

有感括古語倣賀東山體

擎天手。談天口。吞若雲夢者八九。朱買臣。周伯仁。此。

中容得卿輩數百人時乎不利囊中處不直一錢虎  
變鼠欲得侯事五樓何必生兒當如孫仲謀回波  
舞陽翟貢宜與噲等伍日西頽松山哀爲問千秋萬  
歲安在哉我寧與我周旋久不若卽時一杯酒去日  
多悲且歌一往深情輒復喚奈何

又

上汝酒令汝壽萬事無如杯在手昆明灰阿濫堆黃  
河之水朝暮不復回半生能著幾兩屐百壺埋我陶  
家側適莽蒼齊彭殤誰更仰眠牀上看屋梁可憐

采。寒。如。此。仕。宦。車。生。耳。衛。子。決。馮。子。都。二。十。左。右。便。  
作。執。金。吾。孝。廉。問。一。當。知。幾。奴。價。今。年。應。倍。婢。歌。鳴。  
鳴。攘。臂。呼。君。獨。不。見。朝。趨。市。者。乎。

錢湘靈曰其來無端其去無跡拉拉雜雜可作異錦看語語出山可作異書讀  
阮導曰此種惟陳髡可辦  
一時菰蘆中頓有兩雄

過秦樓

上秦始皇陵

五。丈。墳。平。三。泉。水。涸。跨。馬。驪。山。山。畔。神。仙。難。致。神。女。  
虛。勞。一。旦。沙。丘。魂。斷。試。問。王。氣。咸。陽。萬。世。雄。圖。蠶。棘。

車慢歎魚池何在巨魚未捕鮑魚方亂想當日黃  
土美人美門工匠地下百官宮觀重瞳一入機弩空  
張牧火勢延天半縱是鋒鏑金人季龍銅柱都無成  
算望西郊新塚纍纍共此白楊荒岸

阮亭曰始皇陵與華清宮東西相望得蒼梧  
諸詞益覺咸陽古道殘照西風不堪回首

### 洞庭春色

#### 登縹緲峰

策杖而登直凌縹緲特冠諸峰正北連馬跡西通陽  
羨南流茗雪東入吳淞更指雙溪分五道總萬點輕



烟一抹。中憑高望。恰聲低。鳥雀氣。辨魚龍。四顧乾坤。曠朗恍飄然。如欲乘空看。斜陽金紫。陰晴倏變。平蕪遠近。浩渺難窮。歎息累朝興廢。事止漁簑安穩。片帆風傷心處。對蘆花。楓葉還問吳宮。

阮亭曰吞雲夢者八九乃可語此

### 蘇武慢

#### 壽吳齊賢先生五十

紫馬家聲。青門世澤。爭羨延陵公子。八斗才華。五車書卷。少小名馳萬里。寶劒嘶風。画船泛月。咫尺雲烟。

生紙更園亭北郭。青山花鳥盡供驅使。忽翩然歷  
遍燕都邯鄲道上。列鼎重茵堪擬脫屣功名。破除慧  
業。始覺昨非今是。松下長齋竹間清磬。消得半生彈  
指。五十年細數。從前幾葉楞伽而已。

齊賢曰。言之不能感人者。非至言也。文之不能動  
人者。非至文也。今人作詞。安排字面。訓協宮商。不  
過皮毛。窠臼而已。舜民獨能脫去一切。獨流至情。  
將我五十年癡夢。從頭拈出。讀之不覺。然即此  
便是一卷楞伽。何處更有佛法。

天石曰。海內無不知玉虹先生者。試  
掩此題。以叩吾黨。定同聲指爲詩人。

### 惜餘春慢

咏紫牡丹和其年卽用宋曾逸仲原韻

梨雪飛殘柳棉吹遍春色三分潦草一番穀雨幾朶  
香雲又報魏家粧曉任是千堆錦衾怎比欄前雲英  
嬌小看朝霞映徹暮烟凝就丰姿多少慢記憶歌  
板沉香綺裘人去千載空餘煩惱興平酥味元果詩  
題歷歷風流如掃鵝管新霜正濃玉液須傾莫隨花  
老怕胭脂難畫風翻繡被逐流紅遶

生洲日向寸倚聲集中讀舜民咏綠牡丹詞嘆其  
摹寫工妙茲更加以流麗典瞻二作真可並傳不  
朽

沁園春

夫椒懷古

七十二峰有夫椒山在水中央記十萬水犀雲連茶  
火六千君子霧擁餘艤動地魚龍匝天鷺鶴只此湖  
山閱霸王君試看但波濤滾滾烟樹蒼蒼百年幾  
歷滄桑歎馬跡曾誰見始皇况高牙大纛驚飛鷗鷺  
亂烟疎雨灑遍帆檣故國興亡大江南北總向秋風  
一葦航都休也任沼吳沼越却又斜陽

阮亭曰杜詩韓筆  
得此詞而鼎立

墮湖得生賦此自嘲

對此茫茫我欲從之失足清流笑五湖泛宅竟成鴟  
韋士龍照影忽訪陽侯烟水長埋形骸可畧大覺原  
同海一漚尋思甚有蛟龍爲侶螻蟻何譬總憐生  
死悠悠便死者還休生者浮歎遊梁相薄泥塗曳尾  
亡吳書在澤國科頭興盡山靈身親河伯娶婦宮開  
汗漫遊從今後願眠雲坐月長似沙鷗

阮亭曰登名山泛滄海卒當  
以樂死胸懷故是我輩人

上巳過皖江

修褉良辰浪靜風恬。又過潛江。記三洲五嶺。蠻烟瘴  
雨。孤帆片屐。地闊天長。此目江南。無邊春色。極目他  
鄉。是故鄉。凭闌處。有迎船翠篠。綰袖垂楊。驚聞烽  
火。昆陽隔一紙家書。正斷腸。更如山。芻蕘新屯。舊壘  
空村。草木遙隱。危檣皖伯臺。寒周郎祠。沒蝸角紛紛。  
一戰場。今歸去。只百城書卷。任我徜徉。

生洲曰。關心君國。觸景興悲。固知文人詠歌。定有所以。

寄贈許太史生洲

誰踞文壇。系自合肥。太史生洲。美風清鈴閣。光分御

燭。閉。高。棘。署。霜。淬。吳。鉤。國。子。經。笥。汝。南。月。旦。意。氣。今。  
看。重。虎。侯。相。逢。處。却。擣。蒲。遊。戲。哺。酸。風。流。曾。携。長。  
嘯。登。樓。恰。士。稚。清。樽。共。拍。浮。憶。五。夜。論。詩。玉。釵。銀。管。  
三。更。被。酒。綠。幘。紅。篝。永。日。追。歡。無。端。惜。別。雲。樹。千。重。  
憶。舊。遊。情。何。已。挽。半。江。春。水。浣。盡。離。愁。

黃公曰鎔今鑄  
古筆舞墨歌

題許容說篆

秦漢以來奏刀砉然雉臯許容自形摩倉頡龜文鳥  
跡金填石鼓籀篆雕蟲六體精研七章搜覽太史爭

看變化通技成矣。却得心應手。轉筆藏鋒。依稀程  
邈。甄豐便鐘鼎。响嘯銘刻同記。懸針倒薤。碑飛化鶴。  
偃波垂露。題重蒼龍。奇正相生。錯綜盡致。急就鴻文。  
百代宗嗟。予誤媿鵠頭蒙誚。楮葉難工。

祖勿庵曰。詞之波磔盡致。正有懸針倒薤之妙。

### 西江送陶石長還滇南

聚首三秋。送子洪都。路出昆陽。正夾道蠻花低飛。孔  
雀行厨。萋葉時薦。檳榔武勝。關前平寧。陂外萬里。投  
鞭渡夜郎。經過地總荒祠。廢苑靄翠。奢香鐵橋。風



靜。瀾。滄。早。拂。袖。歸。來。鬢。未。蒼。儘。卷。金。荃。疊。書。題。字。  
半。壺。玉。液。櫻。酒。傳。觴。雞。足。僧。來。螺。盤。有。在。曾。否。家。鄉。  
憶。豫。章。相。思。處。指。蠡。湖。月。白。滬。海。雲。黃。

汪次華曰滇南風土  
畧盡筆底別有鑪錘

### 出塞

跨。馬。西。征。極。望。長。城。無。限。蒼。涼。正。金。風。萬。里。濛。濛。草。  
白。穹。廬。千。帳。歷。歷。榆。黃。獅。子。屯。空。九。龍。溝。冷。落。孤。  
鴻。俯。大。荒。英。雄。恨。灑。無。邊。血。淚。老。盡。沙。場。當。年。順。  
義。降。王。指。涼。馬。臺。傾。古。道。旁。任。臂。鷹。牽。犬。紫。髯。碧。眼。

鳴鞭挾彈綠鹿紅羊。罽橫吹琵琶。倒載重酪。旃裘  
錦繡香。真無外。只八埏一統。安用邊牆。

張拙存日。但覺其雄麗。不覺其悲涼。登高作賦。古人遜席。

登白羊城望兔水有懷

匹馬輕裘上白羊。城俯兔毛河。看泉飛百折。流聲鳴  
咽。旗飄千雉。堞勢嵯峨。鶯鶯連營。鶯鶯溝列。戍莽莽晴  
天。一雁過。徘徊處。恍板升餘壘。沙石坡陀。塞垣西  
近陽和。更遺蹟蒼茫。感慨多有。右校殘碑。土花半蝕。  
明妃枯塚。芳草成窠。

有李陵碑。昭君墓古跡。

上郡不還紫臺一

去吟罷驪歌併怨歌

李陵有錄別詩昭君有怨詩

堪憑弔共江南

遊子相對婆娑

雲臣曰如此才經過如此地宜其雄麗卓絕乃爾

青墩松

青墩古松一十九株鬱乎蒼蒼看蟠根裂石百尋礪  
砢虬枝偃蓋千尺昂藏直可參天貞能拔地影動龍  
蛇爪鬣張空山響聽濤聲萬斛亂灑風篁傳聞古  
墓延康似歲歲秦封閱漢唐正落落垂陰野花隨意  
亭亭挺秀細草爭芳叟號支離材成擁腫雨溜風吹

飽雪霜。高柯上有仙禽巢。遍飲啄。迴翔。

雲臣日冷。冷然如御風而行。

### 青墩栢

紫綸閣前雙栢挺。生車蓋童童。正鬱鬱。攢青霜皮若鐵。森森滴黛雪。幹如銅。似欲棲烏。曾經宿鳳。風靜聲疑夜。雨中遙相望。共長松盤攫。吼作虬龍。驚看綠樹花紅。有千朶凌霄古木叢。恰緣根附蒂。孤標擢秀。蒼顏翠鬣。丹蘂摩空氣。類雖分。糾纏自合。遺澤今猶憶。寇公寇萊公手植雙栢。鄭顓種凌霄其下。寒冬後。願重開歲酒。一葉。

千鐘。

雲臣曰語語是  
栢不是松爲妙

青墩竹

十畝溪流綠竹千竿。環遶孤村。看抽梢挺節。漪漪臨  
水。和烟滴露。冉冉凌雲。聲拂琴埃。色侵書帙。一日何  
堪無此君。開三徑。待七賢。六逸。風月平分。檀藥清  
影。繽紛聽昨夜。驚雷迸。蘚痕正。半脫錦綳。根添鳳尾。  
新塗粉節。籜解龍孫。上番去聲須留玉肌。細劈鮭菜。  
盤中佐酒樽。溪林外。任平安日報。密掩柴門。

吳白涵曰古色斑  
斕竹亦听然而笑

青墩梧桐

萬綠叢中祇少梧桐。溪邊水涯。想黃鐘吐幹。鴛雛飛  
宿。嶧陽孤峙。琴瑟呈材。百尺無枝。十年生長。盡是狂  
夫手。自栽衡門外。看數行翠列。幾樹青排。恰憐夜  
雨。空齋滴葉。葉秋聲入。壯懷任羽葆。層層玉池分。蔭  
琅玕。片片金井。飄來榮木始華。孫枝乍乳。滿院晴陰  
漾紫苔。消長日。採離離。鮮實風味清佳。

青墩櫻桃

雨後園亭綠暗紅。深櫻桃幾株看垂簷。低結爭搖火  
齊壓枝輕折亂。擊珊瑚怕被鶯含偏。愁雀啄護惜時  
令侍婢驅親採。摘恍歌脣入手點點凝朱。數回細  
寫圓珠恰滿貯筠籠。日未晡正瑛盤光映盛來似  
絳綃淚濕裹去疑無杏酪香浮餽餽味勝飽食還堪  
共筍厨身將隱任曲江宴罷甘老菰蒲

雲臣曰大爲櫻桃作  
價不美于頭木奴

青墩栗

古栗三株勢欲排。天青墩之岡看低枝盤踞獅蹲象

偃高柯橫覆虎跳龍翔種自箕山移來汝水嘉果羅  
生擅嶧陽秋社後正青苞發罅紫實開囊封條一  
夜凝霜便宗度田饒盡得嘗儘杜老南鄰園收錦里  
陶公舊宅兒覓柴桑樹底穰多谷中盤剝何必山翁  
服有方嚴寒夜笑燒殘楮袖煨芋同香

雲臣曰徵栗事難  
如此典故尤難

### 青墩棗

古木森疎祇有棗林葉密花稠想纂纂攢枝歌成嘯  
咭來來擊檻帛賜俳優日映雞心風搖羊角青圓珠



璣滿樹。秋移根遠。北景陽仙菓。霜降纔收。何須異  
種名留。只安邑真同千戶侯。正百顆垂紅熟。從人打  
一叢。皺赤撲任鄰偷。園有三星剝。惟八月。籩實應堪  
進。庶羞謀諸婦。倩并刀切脯。細貯瓷甌。

雲臣曰典切至  
此巧奪天工

### 青墩柿

大柿谿邊。月值秋清。日出卯南。正枝垂五畝。綠林陰  
合。種傳七絕。紅氣光含。實被烏樺葉翻。虬卵萬顆。纍  
纍映碧衫。勤愛護。怕兒窺。輕摘鳥啄還嚙。雨餘風

景清耐。恰芳蒂。甘香味。獨兼看。陽井珠圓。輕勻絳蠟。  
梁園彩照。色勝黃柑盤。可堆霜厨。堪說餅玉液。都輸  
石密甜。吾衰矣。積慈恩。數屋書破。瞿曇。

青墩梅

管領春光。占盡風情。繞屋梅花。正冰姿。着雨將疎。尚  
密。瑤池弄影。似整還斜。翠羽驚飛。寒禽欲下。笑指孤  
山處士家。初開遍。恰雲迷月魄。雪壓霜華。墻東樹  
樹交加。看籬落橫枝。照水涯。更索笑。巡簷香。滋綠萼。  
試粧開鏡。淚染朱砂。蝶翅玲瓏。花鬚繚繞。萬象雕鏤。

錦障遮成陰。後美青青如豆。小摘些些。

青墩桂

下下高高老桂叢。生歷落嵌崆。看依松亞竹。嫵媚芳  
韻。綠枝接葉。綽約清陰。炎德交輝。靈巖分種。絕勝臯  
塗。八樹林。霜天曉。正千層吐粟。萬點堆金。小山好  
恣幽尋。更紅藥。化離照碧岑。任琉璃。碎剪丹黃。眩眼  
璁瓏。細纈風月。披襟冷露。氤氲繁英。爛熳環抱。高丘  
密幄。潑江鄉。畔把酒邊新闕。長詠微吟。酒邊詞。香淋  
湘靈。日青墩。老桂十九株。大數十圍。花香數里。葉  
垂似屋。真江左。僅見得舜民。此詞何美。苑林耶。

青墩荷花

晝永閒庭。芙蕖發華。一帶長川正紅妝。翠擁嬌如解。  
語翠鬟紅膩。豔欲爭妍。冉冉香凝。亭亭影顫。霧鬢風  
裳映水。鮮嫣然笑似漢宮粉黛。洛浦嬋娟。遊魚戲  
弄。淪漣看盤裏珠傾碎。復圓想一色羅裙波平盪。樂  
半湖雲錦霧重迴。船碧藕牽絲綠。房抱子欸乃聲中  
聽采蓮歸來晚。恰瑤池月夜夢斷江天。

雲臣曰蓮花帶臉色荷  
葉雜衣香何其麗也

青墩芙蓉

極浦橫塘點綴秋清兩岸芙蓉笑擢莖菡萏曹王賦  
誤羅城錦繡蜀主名工豔色離披芳姿婀娜碎滴胭  
脂烟雨中清溪上任魏園唐苑露染霜濃最憐三  
醉殊容却一朵花開白與紅儘卯酒成酣佳人午醉  
丹砂漸轉侍女粧慵照水逾鮮憑欄細玩黃菊疎籬  
興致同驚搖落怕寒來木末休怨西風

雲臣曰語語是芙蓉不是荷花故妙

詠草

滿地濃芳極目萋萋叢卉羅生正和烟帶雨潛勾飛

蝶。含。愁。隱。恨。慣。引。流。鶯。踏。去。無。痕。鬪。來。賭。勝。綺。陌。香。  
閨。處。處。情。芳。郊。外。惹。紅。毵。列。坐。翠。袖。調。箏。依。依。別。  
浦。離。亭。怕。長。向。汀。洲。送。遠。行。况。謝。客。池。邊。夢。中。好。句。  
明。妃。塚。上。塞。外。嘉。名。色。想。羅。裙。葉。成。書。帶。一。寸。春。暉。  
報。未。曾。春。去。也。憶。王。孫。歸。未。愛。爾。青。青。

輪臺子

五臺菩薩頂

五頂峯峯險峻獨挺出。玆峰娟秀盤盤形似青螺。爵。  
爵名聞靈鷲。一羣緇俗薰修耳垂環紫面虬髯。叟。干。

頭絲犬恍雲外金獅從空吼。阿誰表率支那踞高  
座。幡然皓首。夔施檀梵印。結陀羅。光明無妬。列翠羽  
琅玕。璚文繡。儘玉軸牙籤。二氏資談藪。護螭文烟  
雲刻鏤。問西來歡喜摩尼。向羅睺成就。

丹鳳吟

離情和周清真韻

門外馬嘶人去。柳眉離亭。烟迷粧閣。鏡鸞虛掩。燕子  
低飛。羅幕。今宵何事。黃昏偏早。金斗香寒。寶奩衫薄。  
獨把繡衾斜壓。朱碧紛紜。壁損遠山眉角。不是傷

春病酒。慊慊總覺懷抱惡。只那人。刻骨便鬢絲釵影。  
一半銷鑠。燒殘絳蠟。淚滴燈花旋落。簾押玲瓏露華。  
滿挹清輝如撻。分明夢也。又未曾睡著。

生洲曰和清真便似清真  
此是舜民故作狡獪處

### 八歸

七夕後一日送秦閨媛歸梁溪

月帳虛開。星橋乍散。惆悵佳期何處。年年暗指銀河。  
畔。不覺人遠於天淚多於雨。衣帶盈盈溪水急。載離  
恨滿船東去。銷魂也。一夜西風送隔宵牛女。早是



故園粧閣藥爐經卷消盡別情機杼往事如塵新愁  
似織腸斷天邊河鼓看散花筵上如花引惠泉親注  
奉旃檀香生幾縷纔展楞嚴幢前私致語

黃公曰人遠於天較  
人遠天涯近更雋

摸魚兒

近園飼魚

問使君栽花種柳荇藻一泓交覆琉璃綠破朱樓影  
魚鳥流連晴晝凝望久宛然是雲夢胸中吞八九濠  
梁左右識非我非魚漫垂芳餌映碧波紋皺凭闌

處無數細鱗巨口鼓鬣揚鬐爭就小魚掉尾大魚食  
噬沫雲雷空吼君知否君不見由來得喪無何有瞠  
乎若後何必羨臨淵西江轍鮒猶更乞升斗

阮亭曰極似南華洗洋  
自恣處真是才大如海

蒼梧詞卷十二

武進董元愷舜民撰

丹陽賀國隣天山詠

同里邵衡子湘閱

長調 六

賀新郎

雨後牡丹

雨過苔痕綠見臺邊遊人初踏新芽還簇倚徙闌干  
潮欲暈猶是未消紅玉映瑩肌霧綃烟縠倦躡雲綯

羞不語。濫盈盈。似向溫泉浴。淋漓處。餘芳馥。香夢  
沉酣應未足。不須愁。情歛無力。粉零香蹙。界破殘粧。  
看更好。淚也耐人清目。况未值。封姨頻促。只恐姚黃  
與魏紫。笑窮愁。措大書生俗。嬌姿貯。須金屋。

程邨曰。警語甚見軼  
才。故不以鋪寫爲貴。

### 登馬跡官長峰

湖海平生客。信萍踪。膏肓泉石。烟霞痼疾。千仞摳衣。  
凌絕頂。側足巉巖。荆棘俯視。諸峰尊馬跡。亂画蛾眉。  
明鏡裏。正天青。螺黛浮空。碧環三郡。溢八極。波飄。

點點漁舟葉。豁層霄披襟浩渺。近天咫尺。便欲乘風  
飛去矣。誰假雲中六翮。徒閱盡興亡陳迹。萬古滔滔  
東逝水。看江山轉瞬成吳越。悵霸業在落日。

生洲日飄飄  
有凌雲之氣

### 別李容齋學士和原韻

吾從此辭矣。論聲名孝廉聞一復。當知幾欲向侯門。  
跋珠履。誰是信陵公子。悵冠蓋西園成市。易水蕭蕭  
餘駿骨。只黃金珍重燕臺裏。疇更設穆生醴。嗟乎  
仕宦車生耳。堪不朽中原詞伯。江東學士。文雅縱橫。

君領袖狼籍左圖右史美覓句虛懷無已

黃魯直詩  
閉門覓句

陳無已多少臥遊堂上客

臥遊學士堂顏挹軒軒朝爽西山起

可不恨有知己

容齋曰淋漓頓挫一片神行公孫之  
劍張顛之書舜民之詞是一是二

### 文選樓同吳天篆送別潘原白

樓外晨裝發正客裏驅駒初駕黯然言別一片邢溝  
城下水細聽聲聲嗚咽怕辜負廿橋明月我尚淹留  
君又去共吳生淚灑青衫濕忘不了心如結河陽  
自是江東傑也相憐天涯聚散銷魂欲絕落拓身名

誰念我半紙。福生漫滅空目。斷鳳城雙闕。試上竹西亭。上望望。黃河馬首。春雲熱聽孤雁。叫天末。

春盡日雨中留贈原白

綠暗濺濺戶。恰曉起疎鐘。半濕廉纖微雨。總是啼痕。千點淚。留得行人暫住。待明日。放春歸去。爭奈東風吹別恨。縱片時容易圖歡聚。君行矣。終不顧。聯鑣西指平山處。曾否記紅橋佳麗。蜀岡烟樹。從此揮鞭過易水。回首去天尺五。看上苑春光如許。我意但思高隱耳。想故人遠隔雲泥路。只詩酒差無苦。

留別吳天象再疊前韻

盡日扃朱戶。恰靜鎖半庭。花霧滿天絲雨。茗枕燈篝。  
聯笑詠準擬與君同住。共攜手渡江東。去何意匆匆。  
分別遽約天涯後。會還重聚。蕭樓下頻回顧。康山  
舊是登臨處。空指點雷塘芳草。蕪城春樹。那有東風。  
詩句好。又過淒涼百五。看垂柳青青如許。莫把尋枝  
輕折取。只行人日日長亭路。君莫恨此情苦。

孫無言曰理脉  
廻環情致錯落

上巳後三日雨中爲玉蒼弟催粧



卜築新亭館。正春明。嬌花寵柳。桃天冰泮。夾道紗籠。  
團繡幌。絳蠟光搖。銀蒜錦帶。結同心。雙綰共說謝娘。  
才調好。聽喝喝。詠絮紅蕤。畔烏絲句。爭携看。天公  
更自憐香。伴灑廉纖。陽臺微雨。輕雲垂幔。此夜東風。  
幽夢破。笑問睂峰。深淺。早付與玉郎。湘管背誦樂天。  
千百首。料當年。長恨歌還短。弟婦能背誦香山全集聊共引芳  
樽滿。

黃公日錦心繡  
口旖旎溫柔

江行五日用劉潛夫韻

雨過奇峰吐倚蓬窗輕雷初度未銷殘暑拍岸崩濤  
高似屋獵獵風聲嘯虎任一葦輕帆飛渡綵縷錦標  
都不見吼鳴鼉亂擊馮夷鼓浪花捲江豚舞山川  
滿目還如許年年向荒濱斷岸酹將椒醕總是問天  
天不問又見楚宮離黍算呵壁空令公怒但取卽時  
杯在手笑獨醒漁父心徒苦須痛飲莫懷古

奉和何宮講省齋聞雨追悼清河君之闕卽

用原韻

遣此誰能者聽蕭蕭雨隨淚滴淚和雨灑一卷淒其

安仁詠腸斷詞中有画看滿篋哀情時瀉却望嫋嫋  
來遲影只夢中重訂他生話還未卜釵鈿價幃屏  
髣髴遺容挂怕宵來嘹嘹朔雁琮琤簷馬目想心存  
閒佇立落葉無端飄下花委地折枝空把重續猶存  
孤衾在對一丸冷月穿窗射偏照見傷心也

雲臣曰珊珊小  
影翩然欲活

題十兄春樹樓再用前韻

愛此樓居者倚簷楹幽光如滴清陰欲灑蔥蔚萬家  
春樹裏繪出輞川圖画見一帶雲興泉瀉百尺高軒

憑高臥。仰屋梁。揚摧千秋話。任冠蓋。西園價。鄴侯  
萬軸牙籤挂。只年來。經繙毛戴。史評班馬。八索九丘。  
供點勘。不數羲皇以下。更肘後道書時。把自有兩兒。  
承家學。如在東初日。扶桑射。兄便是仙人也。

雲臣曰老  
氣橫霄

曹表姪新婚三用前韻

令值中春者。正嘉辰。凌澌冰泮。廉纖雨灑。夾路簫聲。  
燈影裏。飄緲玉人如画。蓮籌轉銀缸。頻瀉斗帳香濃。  
春似海。聽喁喁枕畔。春宵話。真一刻千金價。寶釵

珠絡流蘇挂曉妝。新翠翹垂鳳繡鞋盤。馬羅列服修  
并棗栗立拜舅姑堂。下阼階上一樽初把。從此宜男  
蘭夢叶。料明年擬設桑弧射湯餅會。予來也。

南耕曰言情婉  
至吹氣勝蘭

### 送項姪入小學四用前韻

積善如兄者。笑世間紛紛餘子。是兒揮灑犀角豐盈  
斜側翠點漆凝脂。堪画剪秋水一睂微瀉。記得麒麟  
初抱送。正滿堂賓客傳詩話。千百首渥洼價。玉牙  
珠顆中庭挂。恰翩翩穿林繞室。鳩車竹馬爛熟孝經。

論語字。一。目。五。行。俱。下。枕。中。筆。縱。橫。能。把。遲。汝。十。年。  
工。作。賦。便。成。三。策。君。門。射。吾。所。望。阿。咸。也。

雲臣曰字  
字穩協

清明日南郊感懷五用前韻

四。顧。茫。茫。者。出。郭。門。青。楓。路。黑。白。楊。風。灑。漢。篆。秦。碑。  
零。落。盡。烟。景。淒。迷。如。画。半。坏。土。窮。泉。哀。瀉。高。塚。纍。纍。  
新。故。鬼。總。王。侯。螻。蟻。成。虛。話。髑。髏。樂。有。何。價。紙。錢。  
窳。窳。枯。枝。挂。徧。郊。原。幾。羣。狐。兔。幾。堆。羊。馬。裊。裊。竹。風。  
涓。涓。水。好。句。吟。成。墓。下。漬。絮。酒。空。樽。誰。把。多。少。山。丘。

華屋恨指斜陽一縷虛堂射又暮雨蕭蕭也

雲臣曰冥漠重泉哭不聞蕭蕭暮  
雨人歸去與此同是感人心脾

過鄒玉聲故居六月前韻

幾度經過者悵君家雲窗雪戶風飄雨灑芳華無人  
閒白晝一片荒寒難画正敗壁哀湍奔瀉入座孤孩  
尋梨栗恰扶牀叫出傷心話誰爲問琴書價橫窗  
交網蠨蛸挂滿中庭蘿纏山鬼塵封野馬猶記匡廬  
同濟勝盤礴五峰峰下涓涓酒夜淡頻把屈指三年  
成隔世剩屋梁落月牀頭射吾倍憶舊遊也

雲臣曰：哀感頑艷，乃人之情，此彼物在人，古之作者，何足數哉。

### 春情七用前韻

并日遨遊者，算韶光綠肥紅綻。藍搓翠灑，杏臉桃鬚，春似繡滿目。雨梳烟画，輕寒峭清陰垂瀉。燕子雙雙，簾外語替愁人說盡傷春語。春欲去，買無價，望平蕪，萬縷遊絲挂碾，芳塵雕鞍珠勒，鉤軍寶馬，傷白粥香聞笑語。隔院鞦韆，纔下粉牆外，玉鞭輕把歸去。風花寒食路，有柳梢弄影涼蟾射，恁情緒，恹恹也。

雲臣曰：如聞韓娥之歌，使人悲喜不自持。



悼鄒升允內姪八用前韻

最是傷心者。繼而兄長埋玉樹。淚痕重灑。瘦骨嶢峴。  
偏扶起。欲倩畫工難。画調藥。枕火爐聲瀉。乳媪頻呼。  
牀前坐。數從頭絮盡。平生話。還細問。參苓價。幽魂  
一去無縈挂。指荒丘。輕旗廣柳。芻靈鬼。馬樹樹棠梨。  
開還謝。春色不關泉下有。宿草墳前。曾把十九年閒。  
彈指頃。似白駒一隙。流光射。歎天道無知也。

雲臣曰。春色不關泉下。妙語未曾有。

新構替舟小閣成九用前韻

小築幽棲者。恰新成。數椽結構。臨流瀟灑。曲檻疎罅。  
真似舫垂柳。絲絲入画。更雨過。芰荷香瀉。安穩浮槎。  
天上坐。涉波濤。不作驚人話。風月好。本無價。蓬艫  
何用征帆挂。看古來。張融住屋。知章騎馬。醉倚空明。  
頻擊楫。直欲乘風而下。柁樓底。長年牢把。瞬息歸來。  
飛閣裏。有碧梧翠竹。光團射。吾欲老是間也。

雲臣曰筆墨之  
妙寫景入神

客至十用前韻

環堵蕭然者。啓蓬門。桐陰颯颯。荷香灑灑。竹徑茅堂。

綠客掃倒皮半牀。書画茶漸熟。松濤傾瀉。知已初從  
城市至。對田夫細問鄉園話。五畝宅幾何價。葛巾  
隨意林間挂。儘安排彈碁蹴鞠。投壺打馬。野外不嫌  
箕踞。慣雜坐水邊松下。狂呼酒連翩。同把觴政縱橫。  
飛逸興更藏鉤。覆設東方射。應不醉無歸也。

雲臣曰飄  
飄欲仙

五日替舟閣坐雨十一用前韻

鎮日空濛者。正天中戎葵鋪繡。安榴紅灑茗椀。爐薰  
方竹几。小閣樽罍如画。凭檻外鳴泉新瀉。菰葉繁絲

蒲細切共老妻稚子團圞話牀頭酒不須價紙窗  
浙瀝湘簾挂雨冥冥風搖艾虎烟迷水馬曲曲清溪  
環画舫片片輕鷗欲下辦簑笠釣絲斜把遠樹疎雲  
銜暮景有濕螢萬點攢星射又一度端陽也

雲臣曰有如此人如  
此境疑是羲皇以上

### 田家十二用前韻

幾曲清流者繞吾廬澄陂淡蕩平疇清灑短短村扉  
斜蘸水雞犬岸旁如画俯高柳溝塍低瀉屋角鳴鳩  
蒲葉綠恰相逢鄰叟桑麻話管婢價如奴價桔槔

懸向茅茨挂望龍鱗一川燕麥滿畦秧馬笑插紅花  
垂鬟女携饁依依林下看帶月犁鋤猶把歷落長松  
巢雙鶴振雲霄六翮無彈射吾最樂田家也

雲臣曰押韻  
疑有見斧

塞外尋李陵碑未得因讀漢書本傳有感

塞外尋遺躅沒殘碑一編漢史挑燈閒讀以少擊多  
步敵騎百戰輕身馳逐萬矢盡鞬汗山谷獨步出營  
還太息看棄車軍士徒持輻恨管敢遂傾覆身名  
異域寧相辱睨刀環猶聞緒語空勞握足攜手河梁

滋別淚。千古清商一曲。美俛仰。雙飛黃鵠。漢節全歸。  
十九載。便男元明。歲仍遭戮。通國子何須贖。

雲臣曰。因李陵及蘇武千古悲憤。可補河梁之所未及。

左衛城樓望昭君墓用辛稼軒韻

莽莽天垂野。遍晴空。金風萬里。哀鴻欲下一望。迷離  
青冢。杳遺恨。明妃遠嫁。誰省識。春風圖畫。縱自紫臺  
人去。後剩頽垣斷磧。屯羊馬。却更把邊愁寫。空村  
寂寞。粉榆社。擊土鼓。叢祠報賽。兩三家也。毳帳連營  
斥堠靜。觸目荒臺寒榭。悲笳咽。鴉啼清夜。我有登臨

無限感問開平舊事無知者且歸愁結長夏

惲正叔曰讀此覺杜老千載琵琶一曲  
描摹未盡傷心滿目欲讀不忍竟讀

### 廬山空生閣

雙劍峯如削。傍龍潭。寒光冷翠幽篁邃。壑攀磴懸梯。  
穿洞穴。怪石陵嶒欲落。料曾費五丁椎鑿。側足憑虛。  
凌絕頂。架飛楹。詰曲垂簾縛。結構巧。空生閣。千尋  
峭壁誰捫摸。嵌玲瓏。鵲巢燕壘雲根斜。托我入其中。  
凭檻望。翹首去天一握。驚豁眼。湖波噴薄。更上層巔。  
蘿逕絕。只水聲林氣紛交錯。聊倚杖。視寥廓。

其年日舜民每于山水中用大手筆千古不易得  
當寫一通置之座右則一切柔癯纖弱之氣自盡

送張甥意培之楚中

判袂新涼節。正瀟瀟露寒金井。星疎瑤闕。小掛輕帆  
飛渡去。幾處江城玉笛。却吹徹。洞庭秋月。綠酒紅樽  
歡意緒。料三江七澤。堪遊歷。憑眺覽。都陳跡。遙天  
蘭芷。千重碧。况湖艷。半吞雲夢。更添秋色。粉署裏。琴  
鶴風清。應許青衫作客。助多少。品花吟雪。楚舞楚歌  
閑繼繼。縱平原談讌。情何極。君莫便。悵離別。

黃公曰舜民生性好遊。故其  
于贈行之作尤覺典會標舉。



金明池

楊秋屏舅招同遊明府東湖雨中泛舟

萬井人家百花洲畔一派湖光飄緲垂楊岸漁簖低  
映正雨色空濛清曉把使君製錦鳴琴盡變作蕭飴  
笙簫繚繞任天上人遊鏡中魚樂不惜金樽頻倒  
想全盛樓臺雲表更翠袖朱簾一時多少歌舞散亂  
烟荒礎絲管歇殘蛙曲沼只樽前無恙山川有千頃  
澄波供吾憑眺看竹閣風清槐庭雨濕公事湖中堪  
了

秋屏曰東湖烟雨勝者自勝得  
舜民此詞皂吏烏紗何能潤俗

黃公曰陶雲風雅何減子由在柳洲但亂後山川  
不堪着目舜老全盛樓臺云云正使人慨然不樂  
笛家

### 追悼史遠公

荆水風清蛟橋波冷玉蘭花下花時長記同攜手銀  
鈎細劃金縷歌殘疎狂詩句殷勤杯酒君去鴛湖我  
遊象郡曾未經年久我歸來君何在雨頓分新舊  
別後嗟嗟我友黃金臺沒白玉樓空畫苑詞場子  
虛烏有祭是窗外數聲啼鳥門巷依然垂柳一笛山

陽曲終夢斷。淚浥春衫袖。月落也。展遺編。夜半傷心。還又。

天石曰。遠公臨別時。惓惓以文章朋友爲念。夜臺間此定應唱徹秋墳矣。

画屏秋色

齊門秋感

蕭瑟東城曲。正承平。遷徙流離。極目齊女濠邊。夫差  
苑裏。惟聞悲哭。萬井半烟塵。驚一片弓刀。滿屋見隊  
伍。旌旗簇更。毳帳。朋支柴車健卒。還覓高門舊主。重  
來版築。踟躕宵行露宿。誰復問。幾家喬木。浹巷駝

峰旗亭乳酒成羣芻牧。画角起邊聲。又吹蘆管聲聲。  
續便是武丘絲竹。腸斷百花洲。馬矢平填鶴市。難認  
蘇臺麋鹿。

范龍仙曰此辛丑之秋也轉徙播遷傷心極目展  
對舜民此詞如繪鄭俠流民圖可以入陳黼座

### 春風袅娜

#### 春盡夜

捲重簾。花霧暮。雨瀟瀟。窗影暗。竹風搖。送春歸。迷却  
春愁來路。空濛翠靄。昨日今朝。春色誰憐。春情誰遣。  
一霎難留。是此宵。春去不將愁共去。留春無計。把愁

消任是年年拋擲銷魂堤上還徙倚魂斷重銷飛  
絮遶亂紅飄杯傾桑落山聽鸞簫繡被蘭舟渡頭桃  
葉月鐘霜瓦夢裏楓橋玉繩難曉被子規喚醒一天  
愁緒更比春饒

芝田日清醉之  
氣迷過稼軒

白苧

栽白苧作春衫

曉粧慵新桐引綠楊深院一庭烟絮侍婢和簾都捲  
怪東風千絲萬縷難消遣薄薄試春衫把鄭苧齊紈

親展刀尺無憑。消瘦爲伊誰見。底事費沉吟。鎮日懨懨倦。堪羨兩褶八撮。一抹雙心檀郎著體減盡佳。人針線想此際燈下共聞裁。剪殷紅淡紫任象牀玉手配來。潑淺別後無端悶。劃闌干淚痕濕遍。彈向羅衣恰經年纔變。

生洲曰絕似齊梁人語李唐且不敢望其項背趙宋更從何處生活

蘭陵王

金陵懷古

秦淮月猶自照人如昔。石城畔殿柳宮槐一帶傷心。

芳草碧。遶長江。萬疊經過幾朝興。滅。年年見燕子。重  
來。不是烏衣舊。相識。故壘寒鴉集。正結綺。灰飛景  
陽烟。濕黃旗。紫蓋東風急。看百尺降帆。千尋鐵鎖聲。  
聲輒喚桓伊笛。画角頻吹徹。淒切恨。嗚咽任驅馬。  
鐘山射雕。漢闕龍盤虎。踞橫碑碣。眼淚共春潮。此中  
日夕。莫愁湖裏。更萬斛愁堆積。

其年日劉夢得詩耶王介甫詞耶不  
必令隔江商女重唱玉樹後庭花矣

### 十二時

吳門冬夜示任青際却和青際原韻

流。漸。涼。徹。冰。天。月。晴。雪。飛。來。千。里。正。送。入。一。簾。霜。氣。  
驚。破。旅。人。愁。思。紫。玉。魂。迷。伯。通。灰。冷。雁。陣。衝。寒。起。想。  
當。日。枚。叟。鄒。生。我。笠。君。車。踏。遍。吳。頭。楚。尾。又。何。知。  
千。金。之。子。不。直。國。門。一。字。擊。筑。盲。人。吹。篴。老。嫗。清。淚。  
餘。鉛。水。終。日。心。如。醉。醒。來。猶。是。夢。裏。到。而。今。非。夷。  
非。惠。漫。滅。彌。生。半。紙。對。此。茫。茫。如。斯。寂。寂。仕。宦。車。生。  
耳。勸。汝。一。杯。酒。吾。亦。從。茲。逝。矣。

阮亭曰若遇邯鄲  
生必有天人之歎

瑞龍吟



陳其年屬題烏絲詞

荆溪第共美仲舉兒郎元方兄弟承家列戰雲霄三  
珠玉樹翩翩濁世南州士傳自梓州而後還應屈  
指驚人咄咄唯髯英聲籍籍沾沾可喜大手文章  
燕許揮毫落紙淵渟嶽峙更工黃絹新詞烏絲妙伎  
玉簫檀板白雪移宮徵憶當日羣公高會國門爭市  
一曲梁塵起岐王笑賜千端綺絕調誰堪擬只海內  
佳人世間才子挑燈讀罷盡爲情死

阮亭曰烏絲詞乃十年前僕與先考功兄所評較  
今先兄歿已三年髯亦判袂八載僕傷逝之餘在

再老矣長安雨夜篝燈  
讀此不禁百端交集

大酺

大梁懷古

一。帶。梁。州。驅。車。過。遊。子。臨。風。鬱。結。只。須。臾。全。盛。却。樊。  
樓。霧。鎖。玉。津。烟。滅。狐。兔。成。羣。牛。羊。上。墮。誰。問。信。陵。賓。  
客。極。望。莽。蕭。蕭。聽。鴝。鵒。嘯。雨。杜。鵑。啼。血。歎。人。老。夷。門。  
魂。歸。艮。嶽。不。勝。愁。絕。嗟。乎。最。慘。切。是。桃。花。一。夜。金。  
隄。決。想。當。日。龍。翔。鳳。翥。燕。舞。鶯。歌。忽。變。作。滿。城。魚。鱉。  
地。下。水。痕。平。恰。天。上。樓。臺。重。設。自。古。滄。桑。難。別。我。來。

憑弔。汴水聲聲。嗚咽東流。依舊百折。

黃公日記中原陸沉  
豈止夢華之悲耶

### 西平樂

#### 對酒

牢落乾坤。蕭條陋巷。白楊樹滿荒齋。杖底烟雲。胸中  
磊塊。醉鄉日月安排。看半畝硯田。堪種十載墨池。堪  
漑釀成百斛松醪。便了麴蘖生涯。領取麴生風味。酒  
泉郡曰欽哉。汝諧。吾將老焉。時復中之。引人入勝。  
痛飲開懷。願歲歲左提壺。右把霜螯。更自狂來。濡

髮悲來濯足荷鍾何妨死便埋醉聖千鍾醉侯五斗  
醉龍一石總付糟丘玉山推倒相忘土木形骸

其年日莊生寓言十九  
阮亭曰純學稼軒矣

多麗

北邙山感懷

出荒郊連山斷嶺嵯峨儘從來千秋百歲同歸曠野  
蕭條憑聚歛賢愚魂魄總埋沒新舊蓬蒿玉匣珠襦  
銅棺瓦器泉臺何處姓名標縱置就萬家新邑百尺  
立碑高只落得苔侵蘚剝風雨飄搖便歲時裂錢

澆酒殞宮麥飯誰消饗豐肌。髑髏行樂穿幽宅。狐兔  
宣驕石馬驚嘶。漆燈無焰。漫漫長夜路。迢迢幾曾見。  
人間金枕羅襪更藏嬌。年年是白楊衰草。斷送英豪。  
其年曰辛若纏綿迷離酸楚何必  
一聲河滿子然後雙淚落君前也

玉女搖仙佩

弔館娃宮

春鶯啼早。無賴東風綠。遍吳宮。花草鳳閣銅鋪龍舟。  
水戲白玉牀中。醉倒萬斛梁塵。遶奈金壺銀箭。豈能  
長保。忽轉眼香銷茂苑。響屨廊空。硯池波小。看脂粉。

塘邊雨洗遺鈿數枝紅。夢別院梧桐誰到一葉驚。  
秋一夜愁添多少。麋鹿遊時。鷓鴣飛處。國被西施一  
笑聽徹菱歌悄。試問破吳後。越還同沼。總不似招提  
佛號。晨鐘夢曉。月林清影來相照。琴臺上幾聲長嘯。  
阮亭曰不佞昔過姑蘇有竹枝聲裏春將盡  
破楚門東暮雨時似爲舜老此詞注脚也

## 六醜

### 雨夜聽琵琶

正蕭條旅館。悵永夜殘燈。夢淺逸韻飄來。絕藝誰能  
擅。珠繩斜轉。恰玉奴十五。檀槽初撥。寫春風。幽怨一

彈再鼓。梁塵滿。瑟瑟真珠淙淙細澗。都在輕攏慢撚。  
更摧藏掩抑。四絃千遍。調當入變。忽驚雷掣電促。  
節餘音碧雲哀雁。風雨雨窗畔。共指間風雨聲聲。  
相亂似兒女昵昵低喚。把無數暗恨。深愁付與曲終。  
人遠傷心也。舊家庭院。想天涯惟有青衫淚。不堪消  
遣。

生洲曰。繁音促節。絕似琵琶。行千古才人自應同調。

### 六州歌頭

戲作訓婢詞效稼軒體

蓬頭赤脚金雀自堪誇。閨房事。吾告汝。聽無譁。奈貧  
家玉簫。閒不御。卸脂粉。調琴瑟。嫺巾櫛。供箕帚。職絲  
麻。曉侍夫人粧。鏡親挿。鬢輕折。鮮花更。膽餅換。水  
時護。水仙芽。翠袖籠。紗影交。加頻燒。金篆拭。烏兒鋪  
薤葉。剔燈花。整鈿尺。收書帙。月橫斜。喚琵琶。背癢搔  
如意。新浴罷。髻雙丫。因消渴。憑活火。進新茶。夜靜  
淺。掛鑒落。知冷煖。淡泛流霞料。秋風未起。團扇莫長  
嗟。辜負年華。

其年曰拉雜斷續漢王褒  
僮約有此古勁無此風雅



小諾臯

醉書

吾將安歸卿其休矣老冉冉其將至算人生萬戶千  
鐘爲時能幾終古幕天席地何物能令公喜樂陶陶  
止有醉鄉堪徙學士三杯先生五斗曾消受蠻觸功  
名主爵都尉而已醉儒願全在此麴部分茅麴城  
授職領取釀王新旨指東海盡釀醇醪天爲西醉酒  
國一行作吏觴政三行不廢且銜杯歲歲無榮無利  
裴墓堪酬陶壺可致原只共螺贏螟蛉那辨烏鳶螻

蟻浮沉事有妙理。

其年因醉舉卣卣壺中日月覺酒氣拂拂從十指間出絕世奇文

寶鼎現

詠宣銅魚耳爐

画堂綺閣佳麗羅幕冰簾清悄任排列雕盤漆几紗  
籠映博山天矯流傳古有宣和遺器上有宣宗年號  
想鑠石流金光耀百和鎔成珠寶一人四海供珍  
好更添設百官監造却早是公輸丁緩儘意匠經營  
精巧製各種盡形摹神肖魚耳尤推絕妙看斑斕綠

紫紅繚。璀璨質多文。少。參差縹繡相鮮。共周鼎商彝。長保俯崔嵬。朱火青烟一穗黃。雲繞結得箇篆文。縹緲沉水和昏曉。疊羅綺久占香風空。令摧殘蕙草。

阮亭曰與冒巢民宣銅爐辨并傳不朽  
令薛尚功劉原父輩見之定爲心折

### 怨朱絃

吳天石有山右之行予亦將發江右愴然言

### 別情見乎詞

任翩翩鞍馬清狂斬蛟橋下射虎山岡諸子紛綸吳生歷落晚來話雨匡牀濁醪方舉唾壺先缺休教一

飲千觴。正黯然欲別。管人離况。偏有垂楊。我向五湖。南望子向二陵。西去雲樹微茫。試說與東風。彈淚曾否。霑裳。恰匆匆。同上河梁。叮嚀佳句。珍重奚囊。只恐歸時。俗黃晉齒。鬢黯吳霜。加餐共勉。攜手難忘。總是淡烟斜日。驚回首。風塵波浪。一樣神傷。潸潸汾河。河曲哀哀。章江江畔。此恨平量。知何日。青春作伴。醉玉溫香。

生洲曰江山相望雲樹微茫只此已  
令人黯然銷魂何必更讀文通一賦

### 三臺

顧茫然。卿沾斗酒。吾醉金徽畔。停杯語同舉。梁鴻案。  
從今始。紅樓画船。將偕老。山水之間。聽玉簫。象管自。  
年年。海屋添籌。湖波凝睇。一任高眠。

其年曰萬斛崩濤一天亂斗  
阮亭曰如此北肩人世間有幾

### 鶯啼序

#### 自題震澤浮家圖

慨當以慷。衝冠髮。悲風擊筑金臺畔。白草黃沙千里。  
蕭蕭芻牧。駿骨索同塞上馬。公車驅向蕉中鹿。歎時。  
平不利。一任公等碌碌。滿座貂蟬。長安冠蓋。總是。

成碁局看古來七貴五侯消得十年歌哭蹴崑崙誰  
使西傾蹋太行遂令東覆隱然五嶽起胸中高吟獨  
漉六街塵土爭似五湖烟水占盡烟霞福萬頃放  
扁舟隱几山青捲簾波綠入手清風舉頭明月勝侶  
共閒鷗野鷺更芳樽盡日飛醺醺中流嘯詠刀鳴鱸  
膾方新政化尊絲初熟妻能執爨婢號樵青到處  
揚帆宿多事龐參皓首出定儲皇爭是爭非分榮分  
辱吾遊角里兼訪毛公溪山深處包山麓只年年漁  
父翛然足何須金簡玉書天地大文畫圖一幅

其年曰何其促節曼聲若不能自理

者乎或曰此天問別本也中有缺文

屈三問正少下半截洞庭烟水位置舜民未許子

步

辭子淵曰舜老填詞率意寫來無不曲折如意如  
秦王襲裴而來貌與常異故老杜曰真氣驚戶牖  
也足以千古矣